

साँवरा अटकी नावड़ी ने तारो,  
म्हारो तो धजाबन्द कुछ कोनी बिगड़े,  
लाजेलो बिरद तुम्हारो,  
साँवरा अटकी नावड़ी ने तारो ॥

सूरिया कुमारी का भांडा खड़किया,  
मायले री सोच विचारों,  
मनजारी का बाबा बच्चा उबारिया,  
अगन जाल सू मारो ।  
साँवरा अटकी नावड़ी ने तारो ॥

राजा हरिचन्द राणी तारादे,  
बिक गया बीच बाजारों,  
कँवर रोहितास ने विषधर ड्सगयो,  
लियो भगतो को लारो ।  
साँवरा अटकी नावड़ी ने तारो ॥

राजा मोरध्वज राणी पद्मावती,  
हाथ करोतो धारो,  
रतन कँवर ने चीरण लाग्या,  
कर दियो न्यारो न्यारो ।  
साँवरा अटकी नावड़ी ने तारो ॥

हरि का भगत हरि ने मनावे,  
के जाणे मूर्ख गिवारो,  
देव सी जी माळी बाबा अरज गुजारे,  
ओले राख उबारो ।  
साँवरा अटकी नावड़ी ने तारो ॥

साँवरा अटकी नावड़ी ने तारो,  
म्हारो तो धजाबन्द कुछ कोनी बिगड़े,  
लाजेलो बिरद तुम्हारो,  
साँवरा अटकी नावड़ी ने तारो ॥

प्रेषक रामेश्वर लाल पँवार ।  
आकाशवाणी सिंगर ।  
9785126052

Source: <https://www.bharattemples.com/sanwara-atki-naavdi-ne-taaro-bhajan/>



# Bharat Temples

Complete Bhajans Collections - Download Free Android App  
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>